

BESTELAKO XEDAPENAK

EKONOMIA ETA OGASUN SAILA

4101

EBAZPENA, 2023ko uztailaren 18koa, Lehiaren Euskal Agintaritzarena, zeinaren bidez publiko egiten baitira Euskal Agintaritzaren jarduera-esparruko prestakuntza-beken oinarriak eta deialdia.

Lehiaren Euskal Agintaritza sortzeko otsailaren 2ko 1/2012 Legearen bidez eratu zen Lehiaren Euskal Agintaritza, administrazioko erakunde autonomo gisa, ekonomia-politikaren eta lehiaren defentsaren ardura duen Eusko Jaurlaritzako sailari atxikirik eta esleitu zaizkion eginkizunak betetzeko berezko nortasun juridiko eta jarduteko gaitasun osoarekin.

Lehiaren Euskal Agintaritzaren (LEA/AVC) helburu orokorra da merkatuko lehia askearen eta gardentasunaren baldintzak sustatzea, bermatzea eta hobetzea, Euskal Autonomia Erkidegoan egiten diren jarduera ekonomikoetara dagokienez. Horretarako, zenbait eskumen baliatuko ditu, hain zuzen ere, zehatzeko, sustatzeko, aurkaratzeko, irizpenak emateko, kontsultatzeko eta arbitratzekoak.

LEAren 2023ko Ekintza Planak erakundearen helburuen artean jasotzen du profesional gazteetarako konpromisoa sendotzea, bai praktikak egiteko programaren bitartez, bai prestakuntzako eta ikaskuntzako aukerak eskainiz.

Jarduera horiek helburuak lortzeko eraginkorrak direla egiaztatu da, eta, era berean, erantzuna eman nahi diote LEA jasotako eskaerei, bai LEAekin harremanetan jartzen diren ikasleen eta graduatu berrien eskaerei, bai hainbat unibertsitatek egindako eskaerei.

Eskaera horiei erantzuteko eta goi-mailako ikasketak amaitu berri dituztenen lehia-prestakuntzako praktikak sustatzeko, Dirulaguntzei buruzko azaroaren 17ko 38/2003 Lege Orokorra betez, Lehiaren Euskal Kontseiluak, 2023ko apirilaren 27an egindako bilkuran, Lehiaren Euskal Agintaritzaren 2023. urterako Dirulaguntzen Plan Estrategikoa onartu zuen, nahitaezko aurretiazko urrats gisa. Plan horretan, berariaz aurreikusten da unibertsitate-arloko eginkizunetarako deialdia egitea.

Azaldutako gogoetak oinarri hartuta, LEAk, 2021eko eta 2022ko deialdiko emaitza onak ikusita, egokitzen jo du beste deialdi publiko bat egitea bere egoitzan prestakuntza-praktikak egiteko beka emateko, eta, horrela, duela gutxi goi-mailako unibertsitate-titulua lortu dutenek eta prestakuntza teoriko-praktikoa LEAren berezko eginkizunei dagozkien eremuetan sakondu nahi dutenek aukera izan dezaten.

Lehiaren Euskal Agintaritzaren baliabide ekonomikoak eta teknikoak mugatuak direnez, beka-dunak hautatzeko prozesu bat egingo da lehiaketa-emakidaren prozedura bidez, eta jasotako eskabideak erkatuko dira, deialdian alde aurretik ezarritako balorazio-irizpideak aintzat harturik.

Esandako guztia kontuan izanik, eta Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintza Dekretuan xedatutakoarekin bat, honako hau

EBAZTEN DUT:

1. artikulua.– Xedea.

Deialdi honen xedea da bi beka ematea goi-mailako unibertsitate-titulua duten pertsonen (graduatuak, lizentziadunak edo titulazio baliokidea dutenak), baldin eta beren lanbide-heziketa osatu

eta garatu nahi badute Lehiaren Euskal Agintaritzaren jardun-eremuei dagozkien gaietan. Horretarako, prestakuntza-praktikak egingo dituzte erakunde horren egoitzan, gehienez hamar hilabetez.

Gehienez bi beka emango dira, bata zuzenbidearen arlokoa eta bestea ekonomiaren eta enpresaren arlokoa. Bi eremuetarako baldintzak betetzen dituen hautagairik ez badago eta horietako batean baldintzak betetzen dituen pertsona bat baino gehiago badago, eremu horretarako bi beka eman ahal izango dira, modu subsidiarioan.

Zuzenbidean eta ekonomian edo enpresan gradu bikoitza duten pertsonak bi eremuetako batean beka ematea nahiago dutela adierazi beharko dute eskabidean.

2. artikulua.– Beken ezaugarriak eta diru-zuzkidura.

1.– Bekei esker, adjudikaziodunek prestakuntza teoriko-praktikoa jasoko dute Lehiaren Euskal Agintaritzaren berezko jarduera-eremuetan, hala nola zehapen-espeditenteak izapidetzea eta lehia sustatzeko txostenak egitea, besteak beste.

Horretarako, bekadunek Lehiaren Euskal Agintaritzako langileekin batera esku hartuko dute lehia-espeditenteen dokumentazioa aztertzen, jurisprudentzia biltzen eta aztertzen, eduki juridiko-ekonomikoko txostenak egiten eta araudiaren analisia egiten. Era berean, hainbat eratako espeditenteak izapidetzen lagundu ahal izango dute (hala nola administrazioko zehapen-espeditenteak, aurkaratzekoak eta bide judizialean defendatzekoak). Gainera, prestakuntzarako egokitzat jotzen diren jardunaldi eta jardueretara joan ahal izango dira.

2.– Bekok esleitzeak ez du sortzen inolako kontratu-, lan- edo estatutu-harremanik Lehiaren Euskal Agintaritzarekin eta Euskal Autonomia Erkidegoko Administrazio Orokorrearekin, prestakuntzakoak diren aldetik. Ordaintzen den zenbatekoa ez da hartuko ordainsaritzat, prestakuntzarako laguntzat baizik.

3.– Bekak emateko, norgehiagoka-prozedura erabiliko da, eta, horretarako, aurkeztutako eskabideak alderatuko dira, haien artean lehentasun-hurrenkera bat ezartzeko, deialdian ezarritako balorazio-irizpideen arabera.

4.– Deialdiko beka-programaren kreditua, guztira, 12.200 eurokoa da. Lehiaren Euskal Agintaritzaren gastuen aurrekontuko 2023ko ordainketa-kredituko 3.660 euro dira, 4. kapitulukoak eta 6115 programakoak, eta 2024rako konpromiso-kredituko 8.540 euro.

Adjudikaziodunei 550 euro ordainduko zaizkie hilean. Ordainketa guztiak gordinak izango dira, eta bekaren jasotzaileak ordaindu beharreko gizarte- eta zerga-kotizazioen atxikipenen mende egongo dira, indarrean dauden arauak ezarritako baldintzetan. Bekadunak Gizarte Segurantzako erregimen orokorrean sartuko dira.

5.– Beka bakoitzak gehienez hamar hilabete iraungo du, eta ezin izango da luzatu 2024ko uztailaren 31tik aurrera.

Adjudikaziodunak Lehiaren Euskal Agintaritzaren bulegoetan egin beharko du prestakuntza, beka eman ondotik bi alderdiek adosten duten ordutegiaren arabera. Astean 25 ordu izango dira, astelehenetik ostiralera, lan-ordutegian.

6.– Beka jasotzea bateraezina da beste edozein laguntza edo dirulaguntza instituzionalekin – kontsiderazio pertsonalei lotutakoak izan ezik–, bai eta ordaindutako edozein lan egitearekin ere.

Prestakuntza-aldian zehar gertatutako inguruabarrengatik adierazitako egoeraren bat gertatzen bada, jakinaren gainean ipini beharko da Lehiaren Euskal Agintaritzaren eta aukeretako bati uko egitea erabaki beharko du bekadunak.

7.– Adjudikaziodunak bilduta egongo dira Euskal Autonomia Erkidegoko Administrazio Orokorren erantzukizun zibileko eta istripuen polizaren barruan, beka indarrean den bitartean.

3. artikulua.– Eskabideak izapidetzea.

1.– Deialdian eskatutako baldintzak betetzen dituzten pertonek prozedura honetako izapide guztiak eskatu, kontsultatu eta egin ahal izango dituzte, bai aurrez aurreko kanala erabiliz, bai bitarteko elektronikoak baliatuz.

2.– Aurrez aurreko kanala aukeratuz gero, eskabide inprimatua, data eta sinadura aurkeztu beharko da, eskatutako dokumentazioarekin batera, Lehiaren Euskal Agintaritzaren Idazkaritza Nagusian (Lehiaren Euskal Agintaritza, Ercilla kalea 4, 2. solairua, 48009 Bilbo). I. eranskinean dago jasota eskabide-eredu normalizatua.

Zuzenean Zerbitzuko bulegoetan aurkeztu ahal izango dira eskabideak, baina alde zuzenetik hitzordua eskatuta Hitzordua Zuzenean - Eusko Jaurlaritza (euskadi.eus) helbidean sartuta edo Administrazio Publikoaren Administrazio Prozedura Erkidearen urriaren 1eko 39/2015 Legearen 16.4 artikuluan aurreikusitako edozein modutan.

3.– Eskabideak, erantzukizunpeko adierazpenak eta aurkeztu beharreko dokumentazioa telematikoki izapidetzeko zehaztapenak Euskal Autonomia Erkidegoko Administrazio Publikoaren Egoitza Elektronikoa daude eskuragarri: LEAren jardun-esparruetan trebatzeko bekak Egoitza elektronikoa - Eusko Jaurlaritza - Euskadi.eus

Prozedura honen izapide guztiak bitarteko elektroniko bidez egin nahi dituzten pertsona interesdunek onartutako ziurtagiri elektronikoa eduki behar dute: Identifikazio elektronikorako onartutako bitartekoak <https://www.euskadi.eus/identifikazio-elektronikorako-onartutako-bitartekoak/web01-sede/eu/>

Eskabidearen ondorengo izapideak bide elektronikoz egingo dira, Euskal Autonomia Erkidegoko Administrazio Publikoaren egoitza elektronikoko «Nire karpeta» baliatuz: Nire karpeta - Egoitza elektronikoa - Euskadi.eus

4.– Eskabidea eredu normalizatuaren bidez egingo da, behar bezala beteta, zeina egoitza elektronikoko helbide honetan baitago eskura: LEAren jardun-esparruetan trebatzeko bekak Tramiteak: dirulaguntzak, bekak, kontratazioak. Eusko Jaurlaritza - Euskadi.eus

Identifikatzeko eta eskabideak sinatzeko, Euskal Autonomia Erkidegoko Administrazio Publikoaren egoitza elektronikoa onartutako identifikazio eta sinadura elektronikorako bitartekoak baliatuko dira, zeinak honako helbide honetan baitaude eskura Identifikazio elektronikorako onartutako bitartekoak Identifikazio elektronikorako onartutako bitartekoak - Egoitza elektronikoa - Euskadi.eus

5.– Eskatzaileak elektronikoki izapidetu ahal izango du eskabidea, ordezkari baten bidez. Horretarako, Euskal Autonomia Erkidegoko Administrazio Publikoaren ahalordetzeen erregistro elektronikoa inskribatu ahalko du ordezkariak, helbide honetan: Ahalordeen erregistro elektronikoa - Egoitza elektronikoa - Euskadi.eus

6.– Eskabideak aurkezteko epea hilabetekoa izango da, ebazpen hau Euskal Herriko Agintaritzaren Aldizkarian argitaratu eta hurrengo egunetik aurrera.

4. artikulua.– Eskatzailearen betekizunak.

1.– Lehiaren arloko prestakuntza-bekak jarduteko gaitasun osoa duten pertsona fisikoei zuzendua dira, eta nahitaezkoa izango da honako baldintza hauek betetzea, dela bekaren onuradun izateko, dela bekari eusteko, harik eta haren likidazioa egin arte:

a) Zuzenbidearen, ekonomiaren edo enpresaren arloetan, graduako unibertsitate-titulua, lizentzia edo baliokidea izatea, eta ez igarotzea 6 urte baino gehiago unibertsitate-titulua lortu zenetik.

Kasu guztietan ere, atzerrian edo estatuz kanpoko Espainiako zentroetan lortutako tituluek baliozkotuta edo aitortuta egon beharko dute.

b) Euskal Autonomia Erkidegoan edukitzea auzotasun administratiboa, beka-deialdiaren data baino lehenagotik.

c) Ez jaso izana zigorrik, ez penalik, ez administratiborik, laguntza edo dirulaguntza publikoak jasotzea galarazten dionik.

d) Ez izatea dirulaguntza edo laguntza publikoak jasotzeko ezgaitzen duen legezko debekurik, berariaz kontuan harturik sexu-diskriminazioagatik gertatutakoak.

e) Indarrean dauden xedapenek ezarritako zerga-betebeharrak edo Gizarte Segurantzarekikoak egunean izatea, eta dirulaguntzak itzultzeko betebeharrak ordainduta izatea.

f) Ez egotea Dirulaguntzei buruzko azaroaren 17ko 38/2003 Legearen 13.2 artikuluan jasotako legezko debekuren baten pean.

g) Era berean, adierazpen bat helarazi beharko du, adieraziz aldi horretan ez duela jasotzen beste laguntza instituzional bateraezinik eta ez duela egiten ordaindutako bestelako lanik.

5. artikulua.– Prestakuntza-programaren betekizunak.

1.– Eskatzaileek honako agiri hauek aurkeztu beharko dituzte eskabidearekin batera, beka jasotzeko eskaturiko baldintzak betetzen dituztela egiaztatzeko:

a) NANA, AIZ edo pasaporteak.

b) Alegatutako merezimenduak zerrendatzen dituen curriculum vitaeak.

c) Aipatutako eremuetako baten unibertsitate-titulua edo hura emateko eskubideen ordainketarena, bai eta ziurtagiri akademiko pertsonalarena ere, unibertsitate-tituluari dagozkion irakasgai guztien kalifikazioak eta deialdiak adierazita.

d) Graduondoko titulua (masterra, doktoregoa, espezialista edo baliokideak) eta hari dagozkion kalifikazioen eta irakasgaien ziurtagiria.

e) Alegatutako ikastaroen ziurtagiriak.

f) Alegatutako hizkuntzen maila egiaztatzen duen titulu ofiziala.

g) Aurreko puntuetan zerrendatu gabe egonik, curriculum vitaean alegatzen diren merezimen-
duen egiaztariak.

h) Lehenagotik horrelako edo antzeko bekarik jaso ez izana Euskal Autonomia Erkidegoko Aurrekontu Orokorren kargura.

2.– Horretarako, beken eskatzaileek ziurtagiriak aurkeztu beharko dituzte; besteak beste, gai bakoitzeko ordu edo kreditu kopurua eta landutako gai zehatzak jasoko dira haietan.

3.– Nortasun- eta titulazio-eskakizunen egiaztapena elkarreragingarritasun-zerbitzuen bidez lor daiteke.

6. artikulua.– Eskatzailearen betekizunak egiaztatzea.

1.– Administrazio Elektronikoari buruzko otsailaren 21eko 21/2012 Dekretuan ezarritakoaren arabera, Administrazioak datuak egiaztatzeko zerbitzuaren bidez egiaztatu ahal izango du bete-

tzen direla betekizunak. Eskatzaileak uko egiten badio egiaztapen horri, eskabidean adierazi beharko du, eta berak aurkeztu beharko ditu agiri horiek.

2.– Erantzukizunpeko adierazpen baten bidez (eskabide-orrian bertan azaltzen da), betebeharrak egiaztatuko dira:

a) Eskatzaileak adierazten du egiazkoak direla eskabidean eta harekin batera aurkezturiko dokumentazioan jasotako datuak; adierazten du, orobat, betetzen dituela laguntza hauen onuradun izateko indarrean dagoen araudian ezarritako baldintzak, eta, bereziki, ez duela Dirulaguntzei buruzko azaroaren 17ko 38/2003 Lege Orokorren 13.2 artikuluan jasotako debekurik, ordainduta dauzkala dirulaguntzak itzultzeko betebeharrak eta ez duela eduki ezaugarri berak edo antzekoak dituen bestelako bekarik Euskal Autonomia Erkidegoko Aurrekontu Orokorren kontura.

b) Halaber, eskatzaileak adierazten du ez dagoela laguntza edo dirulaguntza publikoak jasotzea eragozten dion zehapen administratibo edo penal baten pean, edo ez duela horretarako legezko debekurik.

7. artikulua.– Aurkeztutako eskabideko akatsak ongitzea.

1.– Aurkezturiko dokumentazioa ez bada osoa, eskatzaileari hamar eguneko epea emango zaio agiriak osorik bidaltzeko.

2.– Epe hori igaro ondoren, jakinarazpena egin eta hurrengo egunetik zenbatzen hasita, ez baldin bada aurkeztu eskatutako dokumentazioa, ulertuko da eskaeran atzera egin duela, Administrazio Publikoen Administrazio Prozedura Erkidearen urriaren 1eko 39/2015 Legearen 21. artikuluan aurreikusitako moduan ebazpena eman ondoren.

8. artikulua.– Balorazio-batzordea.

1.– Balorazio-batzordeak aztertuko eta balioetsiko ditu eskabideak, eta honako kide hauek izango ditu:

– Batzordeburua: Lehiaren Euskal Kontseiluko batzordekidea (Enara Venturini Álvarez).

– Batzordekideak: Lehiaren arloko hiru arduradun (Guillermo Aranzabe Pablos, Jaione Aberasturi Erezuma eta Ibon Álvarez Casado). Ordezkoa: Jaione Aberasturi Erezuma.

– Idazkaria: Lehiaren Euskal Agintaritzako idazkari nagusia (Ainara Herce San Martín). Hitzak izango du, baina ez botorik.

2.– Kideren baten postua hutsik badago, inor falta bada edo batzordekideren bat gaixorik egonez gero, edo are Balorazio Batzordeko kideren batek parte hartzea eragozten duen arrazoirik balitz, Lehiaren Euskal Agintaritzako presidentek izendatuko du ordezkoa.

9. artikulua.– Hautagaiak aukeratzea eta balorazio-irizpideak.

1.– Bekadunak bi fasetan hautatuko dira, irizpide hauek kontuan hartuta:

a) Lehenengo fasea: 85 puntu.

Honako hauek izango dira hautaketa egiteko irizpideak:

1. Espediente akademikoari 30 puntu emango zaizkio gehienez, eta prestakuntza jasotzeko aukera ematen duen graduko, lizentziarako edo baliokideko unibertsitate-titulu espezifikoak lortzean lortutako batez besteko nota kontuan hartuta emango dira, honela:

i.– 10 puntu, batez besteko nota 5 eta 5,99.

ii.– 15 puntu, batez besteko nota 6 eta 6,99 artean dagoenean.

iii.– 20 puntu, batez besteko nota 7 eta 7,99 artean dagoenean.

iv.– 25 puntu, batez besteko nota 8 eta 8,99 artean dagoenean.

v.– 30 puntu, batez besteko nota 9 eta 10 artean dagoenean.

2.– LEAk betetzen dituen eginkizunekin zuzenean lotutako beste unibertsitate-gradu bat: gehienez 20 puntu.

20 puntu emango zaizkie zuzenbideko eta ekonomia/enpresako gradu bikoitza edo baliokidea dutenei.

3.– Graduondoko ikastaroak, eta Lehiaren Euskal Agintaritzaren berezko arlo eta eginkizunekin lotutako beste prestakuntza-ikastaro eta merezimendu akademiko batzuk, bereziki Europako zuzenbidea, merkataritza-zuzenbidea, merkatuaren erregulazioa, lehia, analisi ekonomikoa eta abar: gehienez 20 puntu. (Ez dira balioetsiko, Lehiaren Euskal Agintaritzaren eginkizunekin zerikusirik izan ezean).

i.– Graduondokoak: gutxienez 450 orduko iraupena edo kreditu baliokideak (gehienez 15 puntu):

1) 10 puntu, 450 eta 999 ordu bitartean, edo kreditu baliokideak.

2) 15 puntu, mila ordutik edo kreditu baliokideetatik aurrera, bai eta datuak biltzeari eta aztertzeari buruzko berariazko edozein puntu ere.

ii.– Hobekuntza- eta prestakuntza-ikastaroak (450 ordutik beherako graduondokoak barne) (gehienez 5 puntu):

1) 2,5 puntu, 20 eta 49 ordu bitartean, edo kreditu baliokideak.

2) 5 puntu, 50 ordutik aurrera, edo kreditu baliokideak, bai eta datuak biltzeari eta aztertzeari buruzko berariazko edozein puntu ere.

4.– Euskaraz jakitea. Gehienez 10 puntu, honela baloratuta:

i.– C1 ALTE = EGA; IVAP 3HE; Hirugarren Maila HABE = 10 puntu.

ii.– B2 ALTE= IVAP 2HE; Bigarren Maila HABE = 5 puntu.

iii.– B1 ALTE= IVAP 1HE; Lehenengo Maila HABE = 2 puntu.

5.– Ingelesa, frantsesa edo alemana jakitea: gehienez 5 puntu. Honela baloratuko dira:

i.– C1 ALTE = Advanced; BEC3; BULATS3; ESOL10-11; TRINITY 10-11 = 5 puntu.

ii.– B2 ALTE= FIRST; BEC2; BULATS3; ESOL 7-9; TRINITY 7-8-9 = 3 puntu.

iii.– B1 ALTE= PET; BEC1; BULATS2; ESOL 5-6; TRINITY 5,6 = 2 puntu.

Lehenengo fasean gutxienez 20 puntu lortzen dituzten izangaiak igaroko dira bigarren fasera.

b) Bigarren fasea: 15 puntu.

1.– Elkarrizketa pertsonala, gaiaren inguruko prestakuntza egiaztatu ahal izateko. Gehienez 15 puntu emango dira.

Elkarrizketak aukera eman nahi die hautagaiei lehiaren arloan duten kualifikazioari buruzko ikuspegi integralagoa eskaintzeko. Izan ere, lehian jaso duten prestakuntza eta izan duten espe-

rientzia azaldu eta argitu ahal izango dute, curriculumean behar bezala islatu ez badira ere. Egiten zaizkien galderen bidez egiaztatu nahi da benetako prestakuntza eta interesa dutela lehiaren arloan eta baita daukaten gaitasuna eta LEAn sartzeko interesa ere. Elkarriketa egitea errazteko, bitarteko telematikoak erabili ahal izango dira (bideokonferentzia, telefonoa, etab.).

Fase honetan gutxienez 6 puntu lortzen ez dituzten eskatzaileak beken adjudikazio-prozesutik kanpo geratuko dira.

2.– Balorazio-batzordeak beka esleitzeko proposamen bat egingo du, eta Lehiaren Euskal Agintaritzako presidenteari helaraziko dio. Proposamen horretan, ordezkioak ere adieraziko ditu, eta hurrenkeraren arabera deitu ahal izango zaie beka estaltzeko, Lehiaren Euskal Agintaritzako presidenteari egoki iritziz gero, balizko uko-egiteak edo bestelako gorabeherak izanez gero. Bekadun titularri ordezkapenaren unean beka amaitzeko geratzen zaion denborarako izango da aipaturiko ordezkapen hori.

3.– Deialdia hutsik geratu ahal izango da ez badago lehiakiderik edo hautagaiak ez badira eskatutako mailara iristen.

4.– Lehiaren Euskal Agintaritzako presidenteari, balorazio-batzordearen proposamena ikusita, eskabideak aurkezteko epea amaitu eta gehienez sei hilabeteko epean erabakiko ditu beka, eta banan-banan jakinaraziko du ebazpena. Era berean, Lehiaren Euskal Agintaritzaren webgunean eta EHAAren ere argitaratuko da ebazpena, herritarrak jakinaren gainean ipintzeko.

5.– Ebazpen horrek amaiera emango dio administrazio-bideari, eta, haren aurka, berraztertze errekurtsoa aurkeztu ahal izango zaio Lehiaren Euskal Agintaritzaren presidenteari hilabeteko epean, ebazpena argitaratu eta hurrengo egunetik aurrera; bestela, administrazioarekiko auzi-errekurtsoa ere aurkez daiteke Administrazioarekiko Auzien Jurisdikzioari buruzko uztailaren 13ko 29/1998 Legearen 10. eta 46. artikuluetan ezarritakoaren arabera, bi hilabeteko epean, ebazpena argitaratu eta hurrengo egunetik aurrera.

6.– Prozeduraren gehieneko epea igaro eta ebazpena ez bada jakinarazi, dirulaguntza-eskaera administrazioaren isilbidez ezetsi dela ulertuko da, eta, hala, dagokion errekurtsoa jarri ahalko da.

7.– Bekak emateko eta, hala badagokio, ordaintzeko, ezinbestekoa izango da itzultze- edo zehapen-prozedurak amaituta egotea, Euskal Autonomia Erkidegoko Administrazio Orokorra eta haren organismo autonomoek emandako antzeko dirulaguntzen esparruan hasita eta oraindik iza-pidetze-aldian badaude.

8.– Bekei uko eginez gero, baliatu ez den beka-zatiak galdu egingo ditu eskubide ekonomikoak.

10. artikulua.– Bekadunaren betebeharrak.

Bekaren onuradunak nahitaez bete beharko ditu Dirulaguntzei buruzko azaroaren 17ko 38/2003 Lege Orokorren 14. eta 46. artikuluetan aurreikusitako betebeharrak.

1.– Emandako dirulaguntza onartzea. Alde horretatik, bekaren onuradunak, esleipen-ebazpena jakinarazten zaionetik zazpi eguneko epean, idazki bat bidali beharko du esanez onartzen duela beka eta bere egiten dituela beka jasotzetik eratorritako betebeharrak. Beka onartzeak esan nahi du onartzen direla deialdi honetako oinarriak.

Era berean, adierazpen bat helarazi beharko du, adieraziz aldi horretan ez duela jasotzen beste laguntza instituzional bateraezinik eta ez duela egiten ordaindutako bestelako lanik.

2.– Deialdian eta dirulaguntzak arautzen dituen araudi aplikagarrian ezarritako baldintzak betetzea.

3.– Prestakuntza-jarduerak tutoreak emandako jarraibideen arabera egitea, ahalik eta probetxu handiena ateraz.

Prestakuntza-aldiaren azken astean, txosten bat aurkeztu beharko du, Lehiaren Euskal Agintaritzan gauzaturiko prestakuntza-lanaren alderdi esanguratsuenak zehaztuz.

4.– Ezarritako ordutegiak betetzea eta ondo erabiltzea eskura jarritako bitartekoak, izan ekipamenduak, izan instalazioak.

5.– Behar den konfidentzialtasuna gordetzea prestakuntza-aldian eskura ditzakeen gai, gertaera, txosten edo bestelako informazioei dagokienez. Horretarako, dagokion dokumentua sinatu beharko da (III. eranskina).

6.– Bekei uko eginez gero, baliatu ez den beka-zatiak galdu egingo ditu eskubide ekonomikoak.

7.– Beken onuradunen betebeharra izango da Kontrol Ekonomikoko Bulegoari eta Herri Kontuen Euskal Epaitegiari ematea eskatzen dieten informazio guztia, laguntzen zertarakoa fiskalizatze-eginkizunak betetzean eskatzen dietena.

8.– Alta emanda egotea Eusko Jaurlaritzaren Ogasun eta Finantza Sailaren Hirugarrenen Erregistroan. Betekizun hori nahitaezkoa izango da deialdia ebazteko eta ordainketak egiteko Hirugarrenaren datuen alta/aldaketa - Eusko Jaurlaritza (euskadi.eus).

9.– Beka lortzeko, nahitaezkoa izango da deialdian adierazitako baldintzak betetzea, dela bekaren onuradun izateko, dela hari usteko, beka likidatu bitarte guztian.

11. artikulua.– Bekadunaren eskubideak.

1.– Onuradunak hilabetea amaitu ondoren jasoko du bekaren hileko zenbatekoa. Prestakuntza-aldia hilabetetik beherakoa bada, benetako prestakuntza-egunen arabera kalkulatu da ordaindu beharreko zenbatekoa.

2.– Bekadunak Lehiaren Euskal Agintaritzako langileen laguntza izango du prestakuntza-aldian. Horretarako, plantillako pertsona batek tutoretza-lanak egingo ditu, eta gidatu egingo du egin beharreko lanetan.

3.– Prestakuntza zuzen aprobetxatzen duen bekadunak alderdi hori egiaztatzen duen ziurtagiria jasoko du.

12. artikulua.– Ez-betetzeak.

Egiaztatuz gero ez direla betetzen beka ematea eragin zuten baldintzak, jasotako zenbateko guztiak eta berandutze-interesak ordaindu beharko zaizkio Euskal Autonomia Erkidegoko Diruzaintza Nagusiari, Dirulaguntzei buruzko azaroaren 17ko 38/2003 Lege Orokorraren 37.1 artikuluan ezarritakoaren arabera, hala zehazten baitute, batetik, Euskal Autonomia Erkidegoko Ogasun Nagusiaren Antolarauei buruzko Legearen testu bategina onartzen duen azaroaren 11ko 1/1997 Legegintzako Dekretuak eta, bestetik, abenduaren 17ko 698/1991 Dekretuak. Eta horrek ez du eragotziko, halaber, dagozkion gainerako eginbideei ekitea. Zehazkiago, dirua itzultzeko arrazoi izango dira azaroaren 17ko 38/2003 Legearen 36. eta 37. artikuluetan hartutako egintza eta egoerak.

13. artikulua.– Dirua itzultzeko prozedura.

Ezarritako baldintzak eta/edo betebeharrak betetzen ez badira, emandako beka itzultzeko prozedurari ekingo zaio, azaroaren 17ko 38/2003 Legeak dioenari jarraikiz, bai eta 1991ko abenduaren 17ko 698/1991 Dekretuan xedatutakoaren arabera ere (dekretu horren bidez, Euskal Autonomia

Erkidegoko Aurrekontu Orokorren kargurako dirulaguntzen bermeen eta itzulketaren araubide orokorra arautzen da, eta horietan parte hartzen duten erakunde laguntzaileen betekizunak, araubidea eta betebeharrak ezartzen dira; 1992ko otsailaren 7ko EHAA, 26. zk.).

14. artikulua.– Datu pertsonalen tratamendua.

Deialdi honetan parte hartzen dutenen datu pertsonalak «Gaitasun arloko bekak» izeneko datu-tratamenduan sartuko dira. Tratamendu horretarako, kontuan hartuko dira batetik, abenduaren 5eko 3/2018 Lege Organikoa, datu pertsonalak babesteari eta eskubide digitalak bermatzeari buruzkoa, eta, bestetik, Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamendua, datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen dituen eta 95/46/EE Zuzentaraua (Datuak babesteko Erregelamendu Orokorra) indargabetzen duena. (II. eranskina).

Informazio gehiago eskuratzeko, jo esteka honetara: Tratamendu-Jardueren Erregistroa (TJE) (euskadi.eus).

Datu horiek Lehiaren Euskal Agintaritzak sustatutako laguntzen kudeaketara mugatuko dira, botere publikoen jarduneko misio bat betetzeko. Interesdunek datuak eskuratzeko, zuzentzeko, ezabatzeko, mugatzeko eta aurka egiteko eskubideak baliatu ahal izango dituzte, bai eta erregelamenduan aurreikusitako beste edozein eskubide ere. Datuak babesteari buruzko informazioa: Datuen babesa eta segurtasun politika - Egoitza elektronikoa - Euskadi.eus.

Datuak ez dira hirugarrenen eskura ipiniko, salbu eta lege-betebeharren bat bada, eta ez zaizkie hirugarren herrialdeei lagako.

AZKEN XEDAPENETAKO LEHENENGOA

Ebazpen honen xede diren laguntza-deialdiak nahitaez beteko ditu honako lege-testu hauek: Administrazio Publikoen Administrazio Prozedura Erkidearen urriaren 1eko 39/2015 Legea; Sektore Publikoaren Araubide Juridikoaren urriaren 1eko 40/2015 Legea; azaroaren 11ko 1/1997 Legegintzako Dekretuak onartutako Euskadiko Ogasun Nagusiaren Antolarauei buruzko Legearen testu bateginaren VI. titulua eta VII. tituluaren III. kapitulua; Dirulaguntzei buruzko 38/2003 Lege Orokorrean adierazitako oinarrizko araudia, eta azken horren erregelamendua onartzen duen 887/2006 Errege Dekretua.

AZKEN XEDAPENETAKO BIGARRENA

Ebazpen honek amaiera ematen dio administrazio-bideari; hala ere, nahi izanez gero, berraztertze errekurtsoa aurkez daiteke organo beraren aurrean, hilabeteko epean, edota zuzenean administrazioarekiko auzi errekurtsoa aurkez daiteke EAEko Justizia Auzitegi Nagusiko administrazioarekiko auzietarako aretoan, bi hilabeteko epean. Epeok ebazpen hau Euskal Herriko Agintaritzaren Aldizkarian argitaratu eta hurrengo egunean hasiko dira.

AZKEN XEDAPENETAKO HIRUGARRENA

Ebazpen hau Euskal Herriko Agintaritzaren Aldizkarian argitaratuko da, eta argitaratu eta hurrengo egunetik aurrera izango ditu ondorioak.

Bilbao, 2023ko uztailaren 18a.

Lehiaren Euskal Agintaritzako lehendakaria,
ALBA ASCENSIÓN URRESOLA CLAVERO.

I. ERANSKINA

ESKABIDE-EREDUA

ESKATZAILEAREN DATUAK:

Abizenak:	
Izena:	NAN:
Posta-helbidea (kalea, zk., solairua):	
PK eta udalerria:	
Helbide elektronikoa:	
Titulazio akademikoa eta unibertsitate-titulua lortutako urtea: - -	
Graduondokoak (gutxienez 450 ordu). - -	
Ikastaroak (gutxienez 20 ordu). - -	
Hizkuntzak: <input type="checkbox"/> Euskara: (*) Egiaztatutako maila: <input type="checkbox"/> B2 <input type="checkbox"/> C1 <input type="checkbox"/> C2 <input type="checkbox"/> Ingelesa: Egiaztatutako maila: <input type="checkbox"/> B1 <input type="checkbox"/> B2 <input type="checkbox"/> C1 <input type="checkbox"/> C2 <input type="checkbox"/> Frantsesa Egiaztatutako maila: <input type="checkbox"/> B1 <input type="checkbox"/> B2 <input type="checkbox"/> C1 <input type="checkbox"/> C2 <input type="checkbox"/> Alemana Egiaztatutako maila: <input type="checkbox"/> B1 <input type="checkbox"/> B2 <input type="checkbox"/> C1 <input type="checkbox"/> C2	

JAKINARAZPEN ETA KOMUNIKAZIOETARAKO KANALA:

Elektronikoa: Nire karpeta ataleko jakinarazpenen eta komunikazioaren erretilura bidaltzen dira. Hara sartzeko, identifikazio modu elektronikoa bat behar da.

Ez bazara 10 egun naturaleko epean sartzen jakinarazpen elektronikoa bat ikustera, ulertuko da uko egin diozula: izapidea egintzat emango da, eta Administrazioak aurrera jarraituko du prozedurarekin.

Posta bidezkoa: Zuk adierazitako posta-helbidera bidaliko da.

JAKINARAZPEN, KOMUNIKAZIO ETA ABISUETARAKO HIZKUNTZA.

Euskara Gaztelania

ERAKUNDEAK HONAKO DOKUMENTAZIO/BETEKIZUN HAUEK EGIAZTATUKO DITU ELKARRERAGINGARRITASUN-SISTEMEN BIDEZ: AURKA EGINEZ GERO, DOKUMENTAZIOA AURKEZTU BEHARKO DUZU

- NANA, AIZ edo Pasaporteak.
- Alegatutako merezimenduak zerrendatzen dituen curriculum vitaeak.
- Goi-mailako edo graduoko unibertsitate-titulua egiaztatzen duen agiria eta, hala badagokio, dagokion homologazioa, egindako ikasketen ziurtagiriarekin eta lortutako kalifikazioen ziurtagiriarekin batera.
- Graduondoko ikastaroak, kalifikazioekin eta egindako ikasgaien xehetasunekin.
- Alegatutako beste ikastaro batzuk.
- Hizkuntza-ziurtagiri ofizialak eta balio akademikoa dutenak.
- Zerga-betebeharrak egunean izatearen ziurtagiria, Espainiako Zerga Agentziak edo foru-ogasunek emana.
- Gizarte Segurantzarekiko betebeharrak egunean eta ordainduta edukitzearen ziurtagiria, Gizarte Segurantzaren Diruzaintza Nagusiak emana.

Prozedura honen instrukzio organoak datu hauek egiaztatuko ditu administrazio eskudunean:

- Zerga-betebeharrak eta Gizarte Segurantzarekikoak betetzeari buruzko datuak.
- NAN, AIZ edo Pasaporteak.
- Egoitza-datuak (EINen egoitzako datuak egiaztatzeko zerbitzua).
- Euskara Titulu eta Ziurtagirien Erregistro Bateratua -RUTCE).
- 1992. urtetik aurrerako unibertsitate-tituluak (Hezkuntza Ministerioa).

Salbu eta interesdunak horren aurka arrazoituta egiten badu. Aurka egiteko eskubidea erabiltzea.

ADIERAZTEN DU egiazkoak direla eskabidean eta harekin batera aurkeztutako agirietan jasotako datuak, eta betetzen dituela laguntza hauen onuradun izateko indarrean dagoen araudian

2023ko irailaren 4a, astelehena

ezarritako baldintzak, eta, bereziki, honako hauek: Dirulaguntzei buruzko azaroaren 17ko 38/2003 Lege Orokorraren 13.2 artikuluan jasotako debekuetako batean ere sartuta ez egotea, dirulaguntzak itzultzeko betebeharrak ordainduta izatea eta Euskal Autonomia Erkidegoko Aurrekontu Orokorren kontura izaera bereko edo antzeko bekarik jaso ez izatea.

ADIERAZTEN DU ez duela laguntza edo dirulaguntza publikoak eskuratzea eragozten dion zehapen administratibo edo penalik, ez eta horretarako ezgaitzen duen legezko debekurik ere.

.....(e)n, 2023koaren(e)(a)n.

Sinadura:

II. ERANSKINA

DATU PERTSONALEN BABESARI BURUZKO OINARRIZKO INFORMAZIOA

Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamendua, datu pertsonalen tratamenduari eta datu horien zirkulazio askeari dagokienez pertsona fisikoen babesari buruzkoa (Datuak babesteko Erregelamendu Orokorra), eta datuak babestearen arloan indarrean dagoen gainerako araudia betez, jakinarazten da datu pertsonalak «Lehiaren arloko bekak» izeneko tratamendu-jardueretan sartuko direla.

- Arduraduna: Lehiaren Euskal Agintaritza.

- Helburua: LEA/AVC prestakuntza-praktikak egiteko eskabideak kudeatzea.

- Datuak gordetzeko epea: datuak biltzeko helburua betetzeko eta izan daitezkeen erantzukizunak zehazteko behar den denbora. Artxiboari eta dokumentazioari buruzko araudian xedatutakoa aplikatuko da.

- Legitimazioa: interes publikoaren alde edo tratamenduaren arduradunari emandako botere publikoak erabiliz egindako misio bat betetzeko beharrezko tratamendua.

- Hartzaileak: Foru Aldundiak eta Gizarte Segurantzako erakundeak.

- Eskubideak: zure datuak eskuratzeko, zuzentzeko eta ezabatzeko eskubidea duzu, bai eta datuen tratamendua mugatzeko edo haren aurka egiteko eskubidea ere.

- Informazio gehigarria: datuen Babesari buruzko informazio osagarria eta zehatza gure webgunean kontsulta dezakezu:

Datuen babesa eta segurtasun politika - Egoitza elektronikoa - Euskadi.eus

<https://www.euskadi.eus/web01-aprat/eu/ac34aRatWebWar/control/arbol?locale=eu>

- Araudia:

◦ Datuak babesteko Erregelamendu Orokorra <https://eur-lex.europa.eu/legal-content/ES/ALL/?uri=CELEX:32016R0679>

◦ 3/2018 Lege Organikoa, abenduaren 5ekoa, Datu Pertsonalak Babesteari eta Eskubide Digitalak Bermatzeari buruzkoa <https://www.boe.es>

.....(e)n, 2023koaren(e)(a)n.

Eskatzailearen sinadura:

III. ERANSKINA

KONFIDENTZIALTASUN-KONPROMISOA

..... jaunak/andreak, NAN zenbakiaren titularra eta
.....helbidea izanik,

AITORTZEN DU

Lehenengoa: prestakuntza-praktikak egingo dituela Lehiaren Euskal Agintaritzan. Hori dela eta, erakunde horren espedienteetako informazioa eta dokumentazioa eskuratu ahal izango ditu, zeinetan informazio konfidentziala eta isilpekoa ez ezik datu pertsonalak ere izango baitira.

Bigarrena: informazio konfidentziala ezin izango die hirugarrenei jakinarazi edo zabaldu, ez osorik, ez zati batean; ezin izango zaie eman baimenik baimendutakoak ez diren beste pertsona batzuei informazio hori eskuratzeko, eta ezin izango da atera inolako dokumentaziorik, nola eta ez duen alde zuzeneko baimena horretarako.

Hirugarrena: Lehiaren Euskal Agintaritzari buruzko 1/2012 Legearen 29.1 artikulua eta Lehiaren Defentsari buruzko 15/2007 Legearen 43. artikulua arabera, konfidentzialtasun- eta sekretu-betebeharrari men egin beharko dio, Lehiaren Euskal Agintaritzako egonaldian eskuratzen dituen gertakari eta informazioei dagokienez.

Laugarrena: Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduak diotenaren jarraikiz (datu pertsonalen tratamenduari dagokionez pertsona fisikoen babesari eta datu horien zirkulazio askeari buruzko arauak ezartzen ditu), konpromisoa hartzen duela konfidentzialtasun-obligazioak betetzeko, eskuratzen edo jasotzen duen informazio eta dokumentazio guztiaren tratamenduari dagokionez.

Bosgarrena: bekadunak ez baditu betetzen dokumentu honetan edo aplikatzekoa den legerian ezarritako betebeharrak, berak erantzun beharko du egindako arau-hausteen gainean.

Seigarrena: konfidentzialtasun- eta sekretu-betebehar hori bete eta betearaziko duela Lehiaren Euskal Agintaritzan eskuratzen dituen gertakari eta informazio guztiei dagokienez, baita agintaritzaren horretako prestakuntza-aldia amaitu ondoren ere.

.....(e)n, 2023koaren(e)(a)n.

Eskatzailearen sinadura: